



UBC Urus Projek Perundingan RM15 Juta Tahun 2007



Semua pemenang bersama hadiah masing-masing bergambar dengan Prof. Datuk Dr. Nik Mustapha R. Abdullah.

SERDANG, 30 Okt – Pusat Pembangunan Perniagaan Universiti (UBC) berjaya memperolehi dan menguruskan projek perundingan bernilai RM15 juta pada tahun lalu.

Naib Canselor Universiti Putra Malaysia (UPM) Prof. Datuk Dr. Nik Mustapha R. Abdullah berkata nilai itu melibatkan 77 projek perundingan berbanding 35 projek pada tahun sebelumnya.

"Sebanyak RM1.5 juta dihasilkan oleh Bahagian Perniagaan UBC melalui projek usahasama, sewaan, penerbitan dan projek perniagaan," katanya dalam Majlis Anugerah Perundingan dan Perniagaan 2007 di Putra Banquet Hall di sini.

Majlis penganugerahan itu dibuat untuk menghargai usaha ketua projek perunding dan Pusat Tangjawab (PTJ) UPM yang aktif memperoleh projek perundingan bernilai melebihi RM250 ribu.

Para penerima anugerah ialah Dr. Kulanthayan K.C. Mani yang menjalankan perundingan bertajuk Research Evaluation of Road Safety Education dengan Kementerian Pengangkutan dan Prof. Madya Dr. Nor Kamariah Noordin - Kajian Kesediaan Penggunaan Teknologi Sensor dengan Kementerian Tenaga, Air dan Komunikasi Malaysia.

Lain-lain ialah Dr. Shamsul Bahri Mohd Tamrin - Kajian Mencadang, Membuat Kajian dan Menyediakan Profil Keselamatan dan Kesihatan Pekerjaan di Malaysia, Kajian bagi Melihat Hubungan di antara Faktor Ergonomik dengan Kesan Kesihatan di kalangan Pengguna VDU bagi Kakitangan Kerajaan di Malaysia dan Kajian bagi Melihat Hubungan di antara Faktor Ergonomik dengan Masalah Acute Back Injury dan Chronic Back Pain di kalangan Jururawat di Malaysia dengan Jabatan Keselamatan dan Kesihatan Pekerjaan Malaysia.

Perunding lain Dr. Mohd Fadlee A. Rasid - Kajian Pembangunan Rangkaian Sensor Tanpa Wayar untuk Aplikasi Pertanian dan Perindustrian dengan Kementerian Tenaga, Air dan Komunikasi Malaysia, Prof. Dr. Fatimah Mohamed Arshad - New Agrofood Marketing System: Structural and Impact Analysis dan Kajian Pelan Balance of Trade (BOT) dengan FAMA dan Kementerian Pertanian dan Industri Asas Tani.

Prof. Dr. Dzolkhifli Omar (Development of a Biological Control Program for Management of Insect Pests of Tobacco Study on Residu of Metsulfuron Methyl in Oil Palm dengan Philip Morris (M) Sdn. Bhd. dan Crop Protection (M) Sdn Bhd dan Prof. Jinap Selamat - Quality Assessment of Convenience Foods for Experts dengan FAMA).

Prof. Dr. Yaakob Che Man - Develop Course Module 3 of Halal Training Pogram dengan Halal Development Corporation, Prof. Dr. Mad Nasir Shamsudin - Food Consumption and Demand Analysis dengan FAMA dan Prof. Dr. Fakhru'l-Razi Ahmadun - Community Preparedness and Emergency Response Plan for Tsunami Disaster dengan Akademi Sains.

Turut menerima Prof. Dr. Jariah Masud - Kajian Kemiskinan di Daerah Tertentu Bagi Merangka Program Bajet 2008 dengan Kementerian Kewangan Malaysia, Prof. Dr. Azizah Osman - Post Harvest technology and Value Added Possibilities for Fruits and Vegetables dengan FAMA dan Prof Madya Dr. Shameem Mohd Rafik Khan @Rafik-Galea - Program Pengajian Aviation English dengan Jabatan Penerbangan Awam.

Lima fakulti yang diberikan Anugerah PTJ Cemerlang dalam Perundingan kerana berjaya memperolehi nilai projek perundingan tertinggi tahun lalu dimenangi oleh Fakulti Kejuruteraan dengan nilai projek RM6.6 juta, Fakulti Perubatan dan Sains kesihatan (RM1.2 juta), Fakulti Sains dan Teknologi Makanan (RM 1 juta), Fakulti Pertanian (RM794 ribu) dan Fakulti Ekonomi dan Pengurusan (RM 588 ribu).

Anugerah Penghargaan Perniagaan diberi kepada Julian Roe, Khalip A. Rafar, Prof. Dato' Dr. Nik Muhamad Nik Ab. Majid dan Prof. Madya Dr. Johari Endan dengan projek Inkubator Tanaman Hidroponik di Genting Highland sementara Zulkiflee Othman turut menerima anugerah yang sama dengan projek Mealplan.

Anugerah UPM Business Idea and Business Plan Competition dimenangi oleh Prof. Madya Dr Abd. Azim Abdul Ghani dan Adi Aizat Abdul Latif yang mewakili UPM dalam MSC-IHL Business Plan Competition 2007 anjuran MDec.

Setiap pemenang menerima sijil dan cenderahati yang disampaikan oleh Prof. Datuk Dr. Nik Mustapha R. Abdullah, Naib Canselor UPM dan Pengarah UBC, Prof. Madya Dr. Husaini Omar.



Prof Madya Dr. Husaini Omar menyampaikan cendaramata kepada Prof. Datuk Dr. Nik Mustapha R. Abdullah.

Oleh Sharil Nizam Sha'ri, disunting oleh Unit Media BKK UPM.

